

頤志齋感舊詩

頤志齋感舊詩

山陽丁晏儉卿

阮文達師相

癸酉文達師爲漕督課士麗正書院策問漢魏十五家
易說策題據漢碑孔子作十言之教卽十翼也晏對云
左傳定四年孔疏伏羲十言八卦及消息漢韓勅孔廟
碑皇羲統華胥承天畫卦前闔九頭以什言教什十仍
古通
指羲易非謂孔子十翼也文達師激賞之獎以詒經精
舍集等書許爲傳世之學壬申二月二日公至院課士
以城東書院雪後早春命題招晏一人面試晏口占二

律呈句云白地冰消纔見路紅橋波漲又逢人公謂情
景交融喜形於色閱四十六年晏主是院講席題楹帖
云射策記髫年曾坐春風吟白雪掄材逢哲匠已看秋
賦奮青雲以志知己之感時晏年未及冠也

弱冠事鉛槧成連感知音忌才多媚嫉豁達江海深九原不可
作六藝猶自尋兩楹書講院老淚頻沾襟

湯文端師相

嘉慶戊寅晏以諸生應試學使爲蕭山師策問易之爻
辰禮之禘襲大學格物論語正名晏詳對二千言試府
學第一覆試經題五聲六律十二管旋相爲宮也并蒙

嘉賞己卯以優行貢成均道光辛巳再主江南試中式
舉人丙戌會試師爲總裁將填草榜得江南一卷二三
場頗詳瞻師疑爲晏夜起披衣撤一卷以此卷易之及
拆名乃余同年漢瑗也余卷爲鄭朗如太史薦蒲州王
相國閱定已入選房考請發刻相國疑而置之科名有
命信夫晏輯子史粹言皆先正格言師深愛其書每爲
人書屏輒錄粹言數則故此書盛行都中咸豐癸丑余
以仇誣被議師力白其冤迨事解師寄書云无妄之災
佛家所謂冤業不足校也大抵紳衿居鄉辦公萬難倍
於當道本無事權假當道以爲之爲謀雖忠而鄉黨之

怨易滋矣是以易之六爻各有時位二與四三與五同功而異位初則勿用上則有悔時位使然也足下深於易理用晦而明願學易者玩之年八十六以壽終

儒學振姚江綸扉資贊軌文公紹潛菴實行敦踐履拙簪戀

闕廷不肯歸越里售宅助六軍同仇志何偉

都中籌餉師售居宅五千兩悉以助

公

江鄭堂師

名藩甘泉人國學生漕帥阮文達公延主書院講席深加敬禮師發策問許君說文引經皆古文晏詳對近萬言師評云不佞三復足下之策撫羣籍之精闡漢易之

奧當今之士如足下之好學深思者有幾人哉其激賞
如此刻漢宋學師承記周易述補歿後葬揚州桃花庵
側

末學困株守獎掖銘深恩青萍與結綠長價薛卞門夷途從此
識汲古培其根伯道竟無嗣侯芭誰與論南望桃花菴楚些難
招魂墓門近江總腹痛不能言

王伯申尙書

庚辰入都同鄉汪文端以晏所撰論語孔註證僞就正
尙書介紹相見尙書序謂紹鄉先生潛邱之學又相其
說之所不及年富而學精不能測其所至辛巳典浙江

主試道出淮安雨中遣人問訊詣舟啜談後服闋入都
以先人讀書雜述數十種見貽補官後旋薨

王公承家學通儒貫經史宏獎譽鯁生三江首屈指瓠落媿無
成蕉悴竟如此扁舟過秦郵跼望景行止

楊至堂河帥

名以增山東聊城人道光壬午進士南河總督余已卯
同年又同侍蕭山師相之門講學論文契洽無間嘗出
資彙刻余所著書以惠來學僅刻毛鄭詩釋鄭君詩譜
詩攷補注補遺儀禮釋注周禮釋注禮記釋注總爲詩
禮七編河帥爲之序又刻百家姓三編大字本禹貢集

解寫樣未及槩板而河帥歸道山矣鍾期不作使人有

破琴絕絃之歎

男兒生當世知已有幾人聊城首屈指心醉如飲醕千金享敵
帶劬書付手民剗劖未及半騎箕歸帝閭癸年助籌筆安堵清

淮濱長城忽已圯忍見崑岡焚

癸丑年粵賊陷金陵鎮揚過江直下河帥延余團練籌禦道氣

頓沮清淮以安公逝而代者至清桃旋焚掠失陷矣

袁端敏公漕帥

名甲三河南項城人道光乙未進士咸豐己未夏莅漕

督任首延余主講麗正書院敬禮有加時書院寢廢公

至局課與余作竟日談視諸生如子弟出資助春秋試

登賢書捷南宮者若而人又勸在城紳富積穀米庚申
守城實資公之功也公薨後士民請祠名宦建專祠得
旨俞允余於書院西隙地建袁端敏祠題句云江
北倚長城千里苞桑安社稷淮東依大樹一門桃李報
馨香每歲率諸生致祭焉

袁公河洛儒 天語褒正直持節駐臨淮江北安磐石奉祠
近講堂此是文翁室誠心愛士民去思永無極

周文忠公

名天爵山東東阿人嘉慶辛未進士任漕運總督壬寅
英人入江公屬余練勇防淮深相結契旋升兩湖總督

余爲序送之臨行以材木三千金助余建龍光閣後自

粵西告歸過淮詣談竟夕旋薨 賜諡文忠

文忠輔弼臣正氣瞻山斗岱岳鍾扶輿柱石垂不朽大河不兩

行四瀆海獨受北徙議非虛請驗百年後

壬寅桃工河決余上黃河北徙議公甚然

其言後豐工再決益驗

呂鶴田侍郎

名賢基旌德人道光乙未進士官至兵部侍郎癸丑奉

命安徽團練賊薄廬州遂以身殉 恩賜贈卹

子錦文由編修擢侍講己丑計偕與余同行遂相款洽

居憂主清河書院講席往還契密常詣余家君博覽古

書遂於經學以義烈終足以傳不朽矣

鶴田宦日下恂恂一書生虛懷諮古學篤實不近名子卿持漢節睢陽殉唐城奉祠馨血食貞石垂英聲

吳子苾侍郎

名式芬山東海豐人道光乙未進士閣學侍郎余在都往還頗密自出爲浙江學政以病乞歸過淮猶造訪余家歸後旋卒遽學淹聞歿後吾友許印林爲檢治遺書今未知刊行否也

海豐毓英才昆季多同譜子苾尤溫純修學攀前古校士泣浙中解組歸東土安得手遺編老眼快先覩

黃樹齋侍郎

名爵滋江西宜黃人道光癸未進士官至刑部侍郎生
平肆力於詩上撫漢魏下規唐宋風格雄邁自成一家
愛才若渴凡海內名流之有學者無不折節締交評余
詩卷云古體在宋元名家之間律體多力追唐賢之作
要其嘯歌之旨諷諭之原直造古文都無苟作是作者
立命處嘗過淮訪余余以近刻金天德大鐘款識就正
侍郎題七言歌行一章戊子典江南試得吾鄉潘四農
爲解首著名宿學時人稱之著有思樹芳齋詩文集
風雅久淪替涪翁升騷壇主盟執牛耳高會登珠槃雕蟲嗤小

技紫色淫哇刪扶輪歸大雅夾袋收孤寒披榛采蘭茝賤子樗
材慙休休能愛士緬想荊州韓

陳頌南給諫

名慶鏞福建晉江人道光壬辰進士官給事中彈劾要
津直聲震都下旋以病歸咸豐元年 特旨起用淹

通羣經深明六書之學丙申在都贈余聯云汝南交孟
博高密訪康成在籍團練有功 賞戴花翎以病卒

驄馬驅城南風霜生白簡急就操奇觚好古精箸毫駑駘有如
余拂拭逢青眼爭臣重陽城對命書手版

朱伯韓侍御

名琦廣西桂林人道光乙未進士由翰林擢御史躋直
敢言名傳日下好讀書講求經世之學研究宋五子書
余甲辰入都頌南介紹訂交乞假南歸過淮詣余作竟
日談時余刻周易訟卦淺說伯韓跋尾并留詩爲別粵
寇初起奉 命防堵君得降寇張國梁倚爲心腹省
城獲全張侍君如師後擢至江南提督以忠殉君之教
也君以道員隨王中丞有齡守浙城陷皆死之

漢廷有朱游鹿折充宗角旌檻褒直臣 聖聰獨先覺衡

命防粵西不拔操能確守濬紹聞衣傳家運帷幄

君尊人爲
縣令有守

記游
日

郭羽可中翰

名儀霄江西永豐人嘉慶己卯舉人內閣中書以母年九十告養歸喜爲詩尤愛畫竹筆法如鐵時稱其工爲人質直有氣節篤於交誼嘗過淮訪余敝廬距河干僅數武君急於相見登舟徒步行十餘里詣余家晤言懽甚以畫竹四幀並繪團扇見貽歸里後年逾六旬近以賊犯豫章絨札無由達矣

郭公愛此君古之文與可鐵畫寫琅玕箕谷雲烟鎖竹石橫槎枒君心貞磊砢鯉書何能貽匡廬識烽火

孔繡山中翰

名憲彝曲阜人道光中舉人內閣中書尊人俊峯大令
宰鹽城縣延余主講表海書院並校童試卷兩世締交
繡山嗜學好古尤肆力於詩配朱孺人朶山殿撰之妹
工書善畫刺繡鍼神洵稱嘉耦年未三十卒

東山傳世諜中翰能文章新詩婣羣雅清韻何琅琅錦機織蘇
蕙蘆簾隱孟光如何遺挂在戡影愴然傷

許珊林太守

名槌浙江海甯州人余己卯優貢同年道光癸巳進士
官山東平度州江蘇候補知府掣精小學蒐集金石凡
鼎彝盤鑑刀布碑帖瓦甌之屬靡不究心而所詣精絕

工鐵筆繆篆一歸道潔又善爲印泥書函圖記余每見而寶之世人摹鐘鼎科斗輒露醜形君筆力淵勁自饒斌媚君爲芝齡宗伯門下士宗伯刻金石存君校讐審正選匠精鑄宗伯薨後神道石獸君鳩工爲之風誼若此不爲陸氏荒莊矣余輯張力臣先生集君時權淮安守爲余序之力臣亦篤好金石也君嘗以六尺闊畫絹橫裂爲帳徧畫梅花四周無縫其精巧多類此刻鈔幣論託名弟枚實珊林所爲也

許君泝波長小學精顓門琳瑯蒐金薤鐵網羅珊珍麻沙精刮剛硬黃摹揭眞吾愛梅花帳清絕無絰痕安身務整潔奚由鑽

噉蟲

李雲生太守

名文瀚宣城人道光戊子舉人教習授陝西知縣都中
定交後至淮入漕帥幕余宅比鄰過從啗談無虛日讀
書好古得關中金石碑帖拓以寄余今升鄜州知州擢
四川夔州府終於任

李翰好古學篋中有新詩扶風初筮仕惠和且溫慈關中富金
石響榻貽所知遙望鄜州月千里長相思

劉楚楨大令

名寶楠寶應人余己卯優貢同年道光庚子進士官直

隸文安縣調三河縣讀等身書勤學好問惴惴無華古
所謂安靜之吏也著有寶應圖經漢射陽畫象考

樸學劉光伯擣齏味六經安宜證水道準望圖墜形京畿宰百
里勤政行戴星契閭十餘載蘭言思德馨盤根資利器黽勉磨
新硯

蔣子瀟廣文

名湘南河南光州人道光中舉人永城縣教諭賊犯縣
境君募勇保衛獲安好學工詩練習韜鈴之學咸豐癸
丑君被 命詣揚州行營過淮訪余籌扞禦之策所
言皆真實不虛旋入幕議不合未半月謝病歸又過余

家暢談云校官已棄將往陝西旋卒

籌筆一書生鴻篇協鐘呂寇氛熾中州扞衛獲安堵擇木何所
栖身世迺齟齬策馬向長安窮鳥行踽踽

劉孟瞻明經

名文淇僕徵人余己卯優貢同年見重於蕭山師經傳
治孰卓爲純儒長余五歲余兄事之刻有左傳舊疏考
正揚州水道記令子伯山名毓崧研貫六經嗣其來學
道光庚子優貢與兒子壽昌同譜兩世締交老而彌篤
結交徧寰宇服膺惟孟瞻光風一何霽守道心綦嚴湛深究經
術六藝通儒兼箕裘繼家學華戶安蠶鹽歆傳更生業砥礪尤

厲廉寇至負書去幸免崑岡炎

葉潤臣中翰

名名灋湖北漢陽人道光甲午舉人內閣中書著學工
詩篤於交友金石交契時時感之

潤臣泝風雅詩格追建安金石學家學集古蒐鼎鑒

尊人東鄉先生癖嗜

金石蒐
藏甚富

丹誠保民命報 國余心殫讒人擠下石江濟稱南冠

我慚螳峒李君誼如對山白頭敦宿好勉旃保歲寒

朱恕齋方伯

名士達寶應人嘉慶丁丑進士自湖北藩司致仕歸距
余家八十里常至淮過訪壬子癸丑屆余誕辰必來拜

祝信宿款留嗣余羈滯邗江方伯拏舟親自慰問甲寅
春正湓逝余以被議不能往弔每一念及有餘痛焉
俾使託衡門不聞長者轍艤舟訪蓬蒿相對頭如雪高論薄風
雲老吏精議譟嚴冬召埭來誰知成死別素車媿巨卿聞赴倍
淒咽

徐廉峯太史

名寶善歙縣人嘉慶庚辰進士翰林院編修虛懷好學
折節下士太史玉潤水清儀觀雋雅如其爲人丙申在
都招集海內及京宦有文學者凡四十二人宴於陶然
亭余爲江亭展襖序駢文太史愛之手自錄焉惜未及

五十而歿二子志導志恭與余大兒甲辰同榜振興家
學予日望之

徐摛工文章風誼溫如玉揮麈霏清言灑然絕塵俗下里慚巴
人烏絲手自錄明德裕後昆石麟頻拭目

梅伯言戶部

名曾亮上元人道光壬午進士戶部郎中伯言紹姬傳
之學工古文詩癸丑春陷賊中逾月乘間逸出全家轉
徙至淮與余辛巳同年講學論文舊交益密至堂河帥
同年備加賙急屋宇衣食皆資焉及河帥歿伯言年逾
七旬撫尸慟而無淚數日遂歿箸柏枕山房集亦河帥

所槩行也

梅氏自宛陵家學紹定九古文接望溪正軌資法守平生知己
淚永訣傷執手一慟撫棺和九京從死友

湯海秋戶部

名鵬湖南益陽人道光壬午進士戶部郎中余公車入
都海秋每詣寓舍論文講學常夜分不少休著有浮邱
子詩文集惜年未中壽卒

海秋鬱奇氣天半明朱霞咳唾落珠玉枋府生槎枒烏臺恣論
劾一蹶迴輒搥悒悒不稱意奄忽隨輜車

王慈兩吏部

名汝霖改名欽霖沈陽人道光丙戌進士吏部主事自
未通籍時與余契好後官京師相愛如手足好蓄古硯
屬余作九十六硯齋歌又得宋龔高士金陵六桂圖趣
余爲詩紀之以余與高士同里也生平健啖善走能日
行二百里許年四十餘以恣飲穠酒卒身後詩文稿散
佚無有存者悲夫

東海毓奇才落落俯餘子吏隱好古書結交重文士魂魄隨秋
草白酒少陵死硯山鬻肆中鸛眼淚不止

汪孟慈太守

名喜孫改名喜荀甘泉人嘉慶丁卯舉人由中翰部郎

官河南懷慶府名父容甫先生子表章先學不遺餘力
嘗得宋本說文屬余校正癸卯過淮訪余以所刻先世
述學廣陵通典並自箸汪氏學行記孤兒編見貽生平
最重文學交友然諾不欺近今所希有也

孟慈惇義行當世訪賢豪千金買駿骨金臺豈云遙琴鶴無長
物貞石清名標葛巾憫諸子我將廣絕交

恆儷堂太守

名廉滿洲人道光甲午舉人由兵部郎中出爲淮安太
守與余至契癸丑粵賊連陷江郡君與余竭力防禦擒
獲土匪一方又安是年冬余以仇誣被劾君痛哭送余

行旋上稟數千言力白其冤庚申春清桃失陷余奉聯
漕督檄守城君坐臥城樓上十七晝夜未嘗一解衣帶
郡城獲全是秋以積勞病歿余力請於大府得 賜
恩卹併經營歸櫬焉

徽符飛緹騎貝錦譏高張河橋君訣別雪涕霑衣裳事平益重
余扞賊登陴守安堵保長淮豐碑表死友

湯兩孫都督

名貽汾常州人仕至浙江副將罷官後僑居金陵甲午
余至白門兩孫以祖鳳山死難圖求題工詩善畫寫摺
扇以酬余所居紗帽巷有園亭花木之勝癸丑賊犯石

頭雨孫年逾八十殉焉世篤忠節人以爲榮

蘭錡儲武庫將軍乃好文小園蒔花木槩几圖書陳鳳山傳祖
德峻節揚清芬八旬死忠義譙周亦老臣

張子涵通守

名漢陝西膚施人南河同知君爲芥航河督之子直諒
清操絕去貴胄之習權揚州通判河員皆飽谿壑君以
鉅萬賑飢民罄橐空囊轉多逋負與余最契癸丑余被
議羈揚君拏舟往省見當道皆斂首求援嘯冤號捄其
重交如此古之義士也君歿後子幼涵太史亦殉回匪
之難

貝錦譏高張毒手擠下石逮繫羈邗江親故不相識對山亟呼
救君乃允昭之友朋紆急難痛感有令詩

余從兄容圃副郎嚴冬省余揚州痛哭而

返春初以抑鬱歿

張寄琴州牧

名積功儀徵人嘉慶戊寅舉人官山東汶上縣廉能有
政聲擢臨清州升用知府庚辰在都約余偕行旋里萍
踪偶合相得甚懽後至京師往還契洽甲寅春賊犯臨
清寄琴力戰不克自刎死難妻女同殉
恩賜優卹
建立專祠妻女並荷卹典

粵寇何披猖所至戕官吏揚城屠戮餘宦遊無遺類

兩湖督吳甄甫漢黃

德道王子蘭曾
揚人並死寇難

憶君同行時道義各勉勵汶水流循聲余聞心

頗慰死節書豐碑過者爲墮淚

包慎伯大令

名世臣涇縣人嘉慶戊辰舉人官江西新喻知縣以註
誤歸君憐才好奇於書無所不讀爲文下筆千言敘事
有法直追馬班留心經世之學凡河漕權鹽農桑兵刑
鉅典靡不練習著安吳四種數十卷尤爲有用之書余
服膺其言卷中有體裁近纖神鋒太儻者嘗規其削存
十之七則如精金美玉卓然爲一代傳人慎翁雖心是
之而不能割愛也書法律力北碑遠法二王近宗虔禮

奇險旣臻復歸平正刻帖具在自名一家客南河節署
數年余每來作十日談常至夜分不倦癸丑季多年七
十九卒於海州倅次子家丞官署

包咸漢通儒隲括達時務古學識夷途瑣碎圖章句坐言當起
行取法遵王路敝屣棄一官斯文兼金鑄

嚴問樵明府

名保庸丹徒人嘉慶己卯君發解第一己丑成進士改
庶吉士散館授山東知縣以忤大府告歸君清才不偶
書畫皆工揚州梅花嶺史閣部祠君題楹聯云生有自
來文信國死而後已武鄉侯甚爲當時傳誦雅善度曲

嘗演紅樓夢巾緣八齣都下梨園盛行爲彈章所糾久
之事解晚歲落魄無聊奔走乞食有句云無情況味鏹
孤獨有限光陰老病貧亦可悲已年五十八歿於袁浦
于湘山司馬厚殮之

視草玉堂署墮溷離花茵才高天所忌文采不庇身賊氛熾江
介鐵甕哀圍城孤鴻集淮浦飢雀逃烽塵桐棺勿復痛桑戶猶
反眞

安謫堂朋府

名貞吉直隸邯鄲人嘉慶丁卯舉人官阜甯縣廉惠勤
能政清如水案無留牘盜賊屏息民甚德之以忤上官

罷歸大府以焦炭呼之嗤其黑而硬也嘗邀余校閱童
試前十卷入庠者九人君喜甚演劇以寵其行又延余
主講觀海書院余刻讀經說以課諸生解組將歸余往
阜邑送行君攜幼兒出見曰他日冀先生識吾兒也言
訖淚下後終於家

淡泊庭懸魚政肅心如水蠶尾靖萑苻桃街傳子美課最臻治
平挂冠來積毀清白貽子孫循吏歸梓里

張石洲明府

名穆山西平定州人道光中優貢生官教習期滿候選
知縣著顧亭林年譜嘗至淮訪余諮問潛邱先生故事

箸閭潛邱年譜多采余說余以所得潛邱小印並趙秋
谷墓銘搨本贈之未及中壽歿於京師士林惜之著有
月齋集

河東有碩儒關綜溯鄒魯先達紹潛邱太原編世譜縱酒八斗
才身世迺齟齬鄴下蘭先摧白楊一坏土

孔宥函太守

名繼鏢至聖裔大興籍寄居清江浦道光丙申進士刑
部主事由南河同知洊升知府天才橫溢詩筆矯然獨
立如其爲人與余交契二十餘年每戒其才鋒太銳亟
宜韜光宥函不能從也癸丑余被議羈召埭宥函常來

省視贈句云百年垂老文章賤衆口餘生天地寬是時
仇陷甚危故有斯語宥函佐揚州雷幕後又襄贊德營
殉難 賜卹刻有集陶詩壬癸詩存

太阿躍出匣耀日森寒芒干將竟膏斧胡不善刀藏孔君眞才
士文藻騰詞場歸昌餐竹實鳴鳳栖梧岡飛翔不擇木增繳徒
悲傷

張石樵封翁

名安保揚州儀徵歲貢生年家子午橋太史之尊人也
富學工詩尤善分隸同治癸亥過淮淹留半口與余訂
交有深契焉旋在都病歿有石樵詩鈔

石樵篤學人相見乃恨晚二老逾七旬共勉何繾綣北上迎板
輿就養亦勞瘁金臺丹旆歸奠輟淚如霰

毛秋伯大令

名夢蘭揚州甘泉人嘉慶己巳進士湖南湘潭知縣以
註誤歸主講淮安奎文書院幾三十年與余朝夕過從
愛才重士兒輩皆受業焉後卒於淮有秋伯詩草

湘江播循聲一官棄如屣淮郡開講帷毓才收杞梓俛仰三十
年載酒論文史絳帳聞清歌采風伴漢氏

張亨甫孝廉

名際亮榜名亨輔福建建甯人道光乙未舉人爲人磊

落英奇詩才雄渾直逼青蓮音節迥亮其聲中黃鐘之
宮近人之能詩者此爲巨子都門訂交庚子訪余里門
贈詩云柘唐牢落更蘭岑惜別長安思不禁知否朝來
俱握手暮雲淮浦一時深又句云故應痛飲淮陰市醉
看黃河落日流姚石甫觀察最稱之石甫被議亨甫慷
慨從行許以同至戍所後事解不果年甫四十餘病卒
於都中松筠庵楊忠愍公祠也何子貞太史挽之云生
交石甫死傍椒山刻有廬山遊草詩集

張君骭髀人命世才不偶嘯歌俯羣倫空山一獅吼磨蝎自生
讒積毀滋多口姚侯挂吏議許身獨良友生死不相渝高義柳

子厚

周止庵廣文

名濟字保緒宜興人嘉慶己丑進士淮安府教授好學
深思朱墨丹鉛不去手校讐溫公通鑑至爲精審分畫
輿地爲數十圖阨塞山川如指諸掌肆力北宋畫法筆
墨沈著卓然名家一洗空描枯澁之習嘗爲余作冊頁
十二幅經年乃成又作著色山水小景歷八日乃就止
菴有陶詩譜余病其年月未審別爲陶譜卽自毀所作
以余譜序而刊之詩文皆用心精進雖賁育不過也刻
有介存堂稿晉畧

周生不羈才放曠無乃侈銳進追古人精心穿溟滓晨夕慰輞
飢四載飫聞咫晉略論猶存龜鑑今升史

盛子履廣文

名大士太倉州人嘉慶庚申舉人官山陽教諭與余累
年切磋無旬日不相見爲余序詩及孝經徵文刻有泉

史溪山臥遊錄蘊懷閣集

名人盛孝章積學探墳索厲石資磨礱他山助攻錯蘊懷遺詩
文駢儷工箸作孔方應有神泉史勿高閣

余理初孝廉

名正熒黟縣人與余同榜辛巳舉人箸書善病余至都

下理初趣余來就臥榻縱談陶陶至夕君於書無所不
讀淹通博雅似方密之而精審過之刻有癸巳類稿續
稿

黃山天下奇傑然出奇士同譜逾百人君學乃巨子類稿披碎
金貫弗綜經史典章達時宜老死鑽故紙

梅嵇庵孝廉

咎植之江都人道光己亥舉人工詩雅善鼓琴癸卯訂
交白門越一年竟卒刻有嵇庵詩鈔續鈔

新詩溯宛陵醞釀託豪素斷紋囊宋琴賞音得所遇白骨埋青
山襁褓憐孤孺廣陵散已亡愴然悲薤露

羅茗香徵君

名士琳甘泉人咸豐元年以孝廉方正徵君精於推步
律算之學阮太傅最重之癸丑年逾六旬陷揚城圍城
罵賊而死聞者壯之

茗香淹雅士儒行何溫溫句股窮周髀推策精專門古松西流
水簌簌步疇人城摧罵賊死身隕名猶存睢陽誓爲厲助戰酬
君恩

楊季子明經

名亮甘泉人工書肆力北碑隸法遒勁通州陳東之與
君友善歿於都中君經紀其喪護櫬南歸士林重其高

義癸丑揚州失守君陷城中殉焉

八法追魏碑峻絕自適麗團扇爲余書波磔雜分隸城破闔門
亡友朋皆墮淚經卷寄繩牀輞川污職僞羸葬楊王孫斯文道
不墜

毛生甫文學

名嶽生寶山人應襲雲騎尉不就改文生應試戊戌己
亥晤於白門訂交嘗欲修改元史練習元史掌故輿地
官爵姓名之難記者口熟如懸河與余同遊四松菴坐
石上談時上海英夷不靖生甫言將來必犯金陵後四
年竟如其言年四十鬚髮皆白不數歲亡詩文稿皆未

見傳本

毛生學如海元史尤綜甄蒙古諸國語觀縷一一陳防夷有先見海舶來白門早衰零蒲柳蟬書嗟無存

陳雪峯茂才

名宗彝上元人嘉慶中諸生修學好古貞石吉金手自題拓嘗刻漢石經論語殘字余爲序之己亥訂交白門雪峯以華嚴經音義急就章草書見貽有裨小學又攜二子來見皆新進茂才也雪峯爲人真摯交友以誠不爲翕翕熱河橋握別至今憶之

集古溯烹平樂石鐫殘字師法包毛周盍蓋證班志

雪峯謂盍
毛包周盍

卽漢蓋公之姓隸古文省 攜兒論世交授經請趁侍白下罹烽烟惻惻念君

嗣

臧木庵孝廉

名紆青宿遷人道光辛卯舉人讀書擊劍有古俠士之
風壬寅赴定海征英夷主將不用其言惱怒眇一目主
將欲加之秩麾而去之癸丑從軍安徽勦賊依袁午橋
副憲幕下戰功累捷 賜四品銜甲寅冬攻桐城賊
營迭獲勝仗卒爲賊所戕殉難 恩加三品銜賜卹

木庵儒家子長揖干公卿積學儲武庫胸中富甲兵忠勇矢報
國從軍請長纓老我困廡下徒羨君英名裹尸用馬革凜凜

死猶生

李小洲同學

名賡颺河南鄭州人道光中諸生石洲觀察之子從余
受業鄉閭累薦不售爲人厚重不佻蒐藏書畫他無所
好事師恭敬數十年如一日余深愛之官銅沛同知未
一年卒

中州有李生敦厚承家法米顛書畫船蒐集珍縑匣好古守儒
風不解事遊狎狎繫斬一官紉引驚四翼

汪文端協揆

庚辰余應 廷試主同鄉汪文端家文端時爲總憲退

食之暇講學論文自春徂秋凡七閱月文端寄書里中
阮明經鍾瑗云與儉卿談數次氣平心細識見明確洵
可謂豪傑之士吾淮後進從未見有此人者異日成就
當可追蹤前哲其過獎如此今忽忽三十餘年馬齒已
增學不加進無以副鄉先達之厚望撫今追昔感慨係
之

文端總柏臺泊然敦儒素休沐退自公縱論傾書庫豐碑公未
湮宣髮我如故緬相簾花廳時余寓齋售宅易新主

李芝齡宗伯

宗伯交三十年契好無間書函必手自寫不倩人也余

輯山陽詩徵枚陳合集宗伯序之壬寅李芸舫先生奉
命防堵英夷李故宗伯門生首以賤名薦星使至
淮訪之遂有修城之役成功歲事宗伯與有力焉余瓶
建龍光閣宗伯爲文刻石時伊族人有致書毀余者余
不知也宗伯別置一函易簪時以授弟爾梅署正回籍
必與儉卿一看知余不受謗書也迨歸櫬而族人構家
難余極力扞禦得全所以報也刻有聞妙香室詩文集
春風一何靄夷然貴不驕桑梓必恭敬散步常消搖權門羞泆
附砢石標清操謗書積一篋怪吠麾羣獒惟公重耆學書鐫金

石交

宗伯刻吳山夫
學博金石存

蘇蒿坪徵君

名秉國清河人諸生道光元年舉孝廉方正 賜六品
頂戴邃於易學徧覽漢宋易解擇精語詳箸周易通義
又有論語求是錄常主余家余時箸周易解故草皆細
書君目眊不能閱令學徒重寫讀之其好學如此年近
七十卒家貧多逋負亟鬻薄田屬親家孫問津一一償
清君歿後問津記帳并祭文焚之貧無以殮春園出貲
殯葬嘗憶清河三老古兒古心皆與余善三老皆長余
以倍今歿已二十年追溯舊遊爲之浩歎

學易蘇仲子質直古人風漢宋屏門戶韋編究始終盱衡感時

事流涕悲人窮世途太行險坦夷思此翁三老不可作欲往將
安從

孫問津明經

名長源清河人嘉慶中歲貢生君長身鶴立績學惇行
雅善鼓琴著有琴旨補正仿司空圖詩品爲二十四琴
況年七十餘以壽終

孫君雲外鶴矯然厲儒風惇行慕郭泰勤學睇王充束修尙廉
取非義安能逢愔愔合琴德古調由心中不有高山志休鼓牙
生鐘

汪春園典簿

名椿原名光大清河人國子監典簿博學洽聞尤精太
乙壬遁之學自題其居曰三式書楹成周秦三式疏證
謂左傳國語國策占法皆三式也又箸日知錄補正十
四經通考延余授讀子孫皆從遊館一卷一勺園藏書
甚富余得縱觀庚寅六月自知亡日與余訣別果於七
月杪卒卒後家道中落宅園爲墟幸其孫尙能讀書遊
庠猶爲幸也

環谷有汪子飛遁抱古心緘書署日者愛我珍球琳三式證卜
易逆數知來今泛覽銀河棹冥觀火珠林盛暑被重裘倏然衰
病侵梓澤已墟落楹書重籙金

駱春池廣文

名騰鳳同里嘉慶庚申舉人官舒城縣教諭不一載告
養歸精於步算從李雲門侍郎遊得天元一法箸游藝
錄開方釋例輔梅氏之所不逮天性純孝七旬病亟時
母崔太孺人已百二歲君執余手嗚咽以不能送終爲
憾余諾而許之次年母歿余親視殮含爲營窆窆君無
嗣息並爲立繼孫以奉祀焉

步算窮商高雀燕駁文定鱣序解組歸帷孝秉彝性馨膳飴蜜
甘遑問家懸磬白首未終天然諾目乃瞑美道表瀧岡父執當

修敬

廣文與先贈儒
林公同歲入學

潘四農解元

名德輿同縣道光戊子舉鄉試第一余年十七應童試
即爲君所激賞評余文云具隆萬之機法運天崇之才
氣而斲削嚴峻則又正嘉格律也其過譽如此爲七言
長歌以勗厲之余少時第一知己也君居澗河濱距余
家四十里許每入城輒主余宅嗣後北上公車偕行同
寓昕夕晤談荏平旅店余有□□□□□□□□□□
家翻美途中樂君題余詩卷云依倚二十年同條合根
本蓋各詣所學也詩才高古雄闊有元遺山之風京師
爲之語曰江左風流誰第一茶農畫筆四農詩茶農謂

潤州張解元深也刻有養一齋詩文集養一齋詩話

鹽車慚負棘知己哀孫陽宿學潘邠老淬厲生寒芒酒酣撫時事詩史嘔熱腸賞音期後世韜以古錦囊

倪轡均遊戎

名家駟山陽武生道光癸卯中舉人幼有膂力勇敢絕倫漕督周文忠公賞拔千總咸豐癸丑粵賊陷金陵鎮揚淮郡岌岌戒嚴余延君統帶練勇擒阜邑逆盜巨盜庚申擒匪連陷清桃直犯淮城君率鄉勇二百人出城接仗殺賊三十七人逆氛頓沮一方乂安擢升江南遊擊賞戴花翎以軍務積勞病卒年僅五十惜哉

兒良諳韜鈴環甲冒矢鏃依倚二十年相待如骨肉扞衛粉榆
鄉安堵樂鄉俗仡仡資育倫云何命不祿名馬歎逝騅先幾驚
集鵬

君有名馬大青小青
君殉前數日皆斃

毛子喬學正

名松齡同山陽籍久客揚州嘉慶丁卯舉人來安縣教
諭君人品端醇粹然如玉與人交久而益敬居家孝友
卽遇戚獲亦無疾言其天性純如也在揚授徒從遊甚
衆嘗爲余借四庫書手自繕錄秘笈琅函於問學深有
助焉年六十甫得一子自爲壽聯云陽月建辰我如嶺
上梅花怎能及公門桃李耆年得子人道海中仙果差

堪慰晚景桑榆年七十授國子監學正銜

雅故師毛萇耆年德彌劭大璞倬古懷不襲僞儒貌石渠繕異
書投我從所好久要長思君勢交日庸峭

韋竹坪兵部

名坦同里道光丙申進士兵部職方司主事升員外郎
諳習朝章勤於公事嘗隨星使閱河工又查辦遠城讞
案操守清介不名一錢偕余剏建淮安會館公車應試
賓至如歸丁憂回籍與余共事修城潔愬無私余甚重
之三兒壽辰爲君婿申以婚姻庚戌三月望君五十初
度前一夕歿於京師同鄉皆悼惜之

宦遊薄鄉里貴賤不相親嗟嗟父母邦視爲行路人韋君篤古
誼天性何其淳粉榆念舊雨簪紱輕浮雲却金凜四知白璧常
自珍行車未生耳玉折摧青春

萬庚溪大令

名應新同縣人童年應試有聲輿臺走卒亦知其名郡
邑試皆前茅竟不得遊庠序援例入成均中道光壬辰
舉人癸巳聯捷進士授廣東知縣君少余一歲經年幕
遊勤學不倦每回里必詣余家淹留信宿爲人狷介勤
能到粵一年卒年甫四十無嗣哀哉

萬君總角交同硯皆孤露孜孜抱遺經青衿亦有數聯翩捷南

宮壯行杼積素玉樓召修文紅塵不能住遺腹盼小同託孤余
忝附文襟三日殤鬼綏泣楸墓

魯通甫考廉

名一同山陽人道光乙未舉人通甫尊人特山先生與
先君子同歲入學余以世交識於幼年天才穎敏頭
角嶄然因余以識四農三人者深相契也余嘗戒以學
務平實以求有用於時若矜爲名士則終身便無可觀
特山先生深然之命揭座右後以名孝廉不第卒書畫
詩文皆臻精詣刻有通甫存稿

詩題貢象圖日下才名久三子迹已陳梵幾餘老醜

李芝齡少
宰歲賦畫

予實象圖屬四農通甫及余各題句少率
云同鄉名畫得吾鄉三子題詠可以傳矣
法書摹二王淋漓縱

詩酒梅石繪幽姿清絕歲寒友

王雲巖明經

名家弼鹽城人道光甲午優貢生覃思羣經尤精律算
推步之學製儀器精巧絕倫丁酉秋闈學使錄科詩六
韻君誤作八韻以違式不入場後鬱鬱卒

王生慧業人羣經挾幽渺綴術通九章羣積析紛繞測景製銅
儀管關豈云小牛溪學已亡海門逝波歟

吳鞠通醫士

名塘與余同籍久客京師以醫術濟人著溫病條辨行

於世嗜學好奇與余相善直諒多聞古之益友首春自署其門曰雲呈五色鳥畫雙晴本拾遺記唐堯在位重明之鳥一名雙晴今人每歲元旦圖畫遺像有達官醉過其居遺奴子問出典君叱而不會又有孝廉官山東知州地在濟北啓事用濟陰字君謂水北爲陽水南爲陰爾未見詩孔疏耶我嘗謂爾文理不通爾不之服今果然矣孝廉陰怒而陽謝之在都中厚遇同鄉人懷其德七十後返淮祭墓旋入都數年卒其子入大興籍爲上舍生

吳生豁達人坦白無芥蒂格物繪圖說五行審真諦厚德重梓

鄉感歎羈異地藥餌究俞跗瘡痍思物濟直道獲令終罔生何
所冀

周木齋茂才

名寅同里嘉慶中諸生賦性直諒能面斥人過遇物以
誠好施與不爲口惠人甚德之肆力於李北海蔡君謨
碑帖書法雄秀冠絕一時長箋短札人皆藏弄以爲榮
吾鄉寺觀摹刻簪屏皆君手迹也余與君共修城之役
君以六尺長杆狼毛筆蘸靛青題門榜好事者繪榜書
圖不好爲詩偶一拈韻清超奇雋直逼古人自署廟中
翁作廟中曲數十首皆未經人道語晚歲無嗣偃蹇以

終余爲刻耳鳴山人遺稿

結交四十載篤愛如弟兄規過良藥苦爭友保令名蛇握悟書

法狼銜不啞人

君好紫蛇生數月爲狼負去無還之儲無恙

奇士奄忽化風義與古

新

張竹儕茂才

名珣同邑嘉慶中諸生勇於爲學嘗助余蒐集詩徵手

自抄錄長夜焚膏漏數下猶未寢有竹儕詩鈔哀豔欲

絕識者卜其不永未及娶妻以病療卒

少小交竹儕真誼吐肝鬲晨興鷄三號厲志蚤夕惕邪許堪助

余翹首望三益良朋欲勿殤思舊感鄰笛

汪子成茂才

名桂山陽人道光中歲貢生惇品修學博覽經史於元
代氏族輿地尤悉少時與李芝齡宗伯同學及宗伯貴
後訪之絕不一見其孤介如此生平與余論詩最契詩
亦高古有道園遺山風格著晚禪菴詩草荊溪周止庵
廣文爲序甚推許之

汪子縕袍士古兒又古心環堵富圖籍綜覽恣推尋蕭然塵壒
外掀髯自高吟歲寒嚼冰雪不受夏蟲侵

頤志齋感舊詩